



ATASSUT

UPA15/35-1

Steen Lyngø

25.03.2015.

Inuit Pisinnaatitaaffii pillugit Sullissivimmik pilersitsinissaq sulissutigeqqullugu aamma Naligigiimmik pineqarnissaq pillugu Ataatsimiititaliamik pilersitseqqullugit Naalakkersuisut peqquneqar-nissaannik Inatsisartut aalajangiiffigisassaattut siunnersuut. Inuit Pisinnaatitaaffii pillugit Sullissiviup Inuit Pisinnaatitaaffiinut Kalaallit Nunaata Siunnersuisooqatigiivinik allatsitut sullissineq tigussavaa taamatullu Naligigiimmik pineqarnissaq pillugu Ataatsimiititaliaq allatseqarfittut sullisissallugu.

(Inatsisartunut ilaasortaq Aaja Chemnitz Larsen, Inuit Ataqtigiit)

Siunnersuut matumani saqqummiunneqartoq pillugu ATASSUT-mit oqaaseqaatissagut ukuupput:

Inuiaqtigiit qajannaatsut, patajaatsut aammalu eqeersimaarlutik ineriartortut, ammasuusut aammalu akaarinnittuusut sutigut tamatigut innuttaasuminnik illersuisuusarput, matumani ilanngullugu inuit ataasiakkaat kiffaangissuseqarlutik aammalu pisinnaatitaaffimminnit illersugaallutik, isumartik naapertorlugu ineriartorsinnaanerannut.

ATASSUT-mut pingaaruteqartorujussuuvoq innuttaasut ataasiakkaat eqqortumik tunngavilimmik misigisimassasut naapertuilluartumik isumassorneqarlutik aammalu minnerunngitsumik inuit pisinnaatitaaffii aallaavigalugit inuusinnaatitaallutik, taamaammat uagutsinnut assut pingaaruteqarpoq nunatsinni, naak massa inuiaqtigiit ikittunnguugaluarluta, inuit pisinnaatitaaffii malillugit innuttaasunik pinninneq qulakkeersimaneqaqqullugu nakkutilliinermik saaffissaanermillu neqerrooruteqartunik nunatsinni peqarnissaa.

Taamaammat Siumut Siumut, Inuit Ataqtigiit aammalu taamanikkut partiiusoq Kattusseqatigiit Partiiat peqatigalugit ukiakkut 2008-mi ataatsimoorluta inuit pisinnaatitaaffii pillugit sullissivimmik nunatsinni pilersitsisoqarnissaanik siunertalimmik siunnersuuteqarnikuuvugut, taamanikkulli aporfiusoq tassaasimavoq suliamik ilisimasallit ilisimatuullu pisariaqartinneqartussat amigaataammata, taamanikkut allatut iliorluni aaqqiissuteqarnissaq toqqarneqarsimavoq, tassalu



inuit pisinnaatitaaffii pillugit siunnersuisoqatigiinnik pilersitsinissaq siunnerfigineqarsimalluni, taannalu upernaakkut 2013-mi pilersinneqarpoq.

Soorlu siunnersuuteqartup nammineq tunngavilersuummini ersersikkaa, aammalu Naalackersuisut akissuteqaamminni naqissuseraat, siunnersuisoqatigiit pillugit inatsimmi aalajangersagaavoq 2017-mi siunnersuisoqatigiit ingerlanerat pillugu nalilersuisoqartussaavoq. ATASSUT-mit amigaatigaarput siunnersuuteqartumit tunngavilersuummik tusassalluta iluamillu paasissallugu sooq isumaqarnersoq nalilersuinissaq taanna pilersaarutaareersoq siuarsarniarneqassanersoq, siunnersuummik massuminnga saqqummiussisariaqarneq siunnersuisoqatigiit suliaannik naammaginninnginnermik aallaaveqarsimassappat, naammaginnigisat sordiaanersut ilanngullugit nassuiaaffigilaassagaatigut.

Taamatulli oqareerluta, ATASSUT-mit naqissusissavarput nuannaarutigigatsigu siunnersuuteqartup eqqaasimmatigut nalilersuinissamut piffissaq sivikitsuinnanngungajalermat aammalu piffissanngulermat siunnersuisoqatigiit siunissami qanoq sinaakkutaqartinneqassanersut, imaluunniit sullissivimmik pilersitsinissaq piffissanngorsimanersoq pillugit nalilersuinissaq tullinnguummat.

Siunnersuuteqartup itisiliinissaa ATASSUT-mit qilanaaraarput matumuunalu nalunaarutigissavarput, tamanna pisariaqartinneqassappat, nalilersuinissamut piffissaliussaq sioqqullugu nalilersuisoqarnuissaa ammaffigigatsigu. Taamaattorli aamma erseqqissassavarput Naalackersuisut allannguutissatut siunnersuutaat peqataaffigissallugu piareersimagatta.